



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 84. Libellus Lutheri adversus Ambrosium Catharinum

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

est; Denique XXIII. leges suas eadem fide, qua Evangelicas, esse credendas præcipit; XXIV. Sacrarum literarum auctoritatem a Pontificia dependere contendit, easque pro arbitrio suo interpretandi jus sibi soli reservat.

§. LXXXIV.

Lutheri libellus adversus Ambrosium Catharinum.

Quoniam Sylvester Prieras, cum recens Lutheri dissensio contra Dominicanos propter indulgentias esset orta, adversus eundem scripserat, Lutherus in Sylvestrum responso convitiis pleno invehatur; nec deerant tamen, qui Prieratis honorem ac doctrinam adversus Lutheri audaciam vindicarent. Hos inter Ambrosius Catharinus, qui alias nomine suo Politus Lancellotus dicebatur, & patria Senensis, ac Religiosi instituti Dominicanus erat, nec non Theologiæ scientia celebrabatur, tractatum composuit de dignitate Romani Pontificis in quinque libros divisum. Lutherus mox contra eundem exeunte hoc anno responsum edidit, tam verborum prolixitate, quam conviciandi libidine execrabilem, in quo invehitur in summum Pontificem, Romanamque Ecclesiam, ac nefando abusu plures Daniellæ Prophetæ

Sæcul. XVI.
A. C. 1520.

Sleid. l. c.
p. 62.
Cochl ann.
1520. p. 23.

Sæcul. XVI. A.C. 1520. textus adulteratur, modoque Sacris literis vel maxime contrario, & Summo Pontifici valde injurioso explicat, demum vero quidquid S. Propheta de regno Antichristi vaticinatur, Lutherus Pontifici affingit.

§. LXXXV.

Res Daniæ & Sueciæ.

David Chytræus Chron. Saxon. 1520. l. 9. Comm. Jac. Ziegleri in tom. 3. rer. Germ. edit. Freher. Leunclav. l. 17. & Pand. §. 215.

Sub idem tempus Stenon Suecorum Gubernator collectis omnibus factionis suæ viribus Christiernum II. Daniæ Regem, qui Sueciam subigere tentabat, oppugnare aggrediebatur. Anceps aliquamdiu hærebat Sueciæ fatum, cum utriusque partis animos par utrinque furor atque indignatio accenderet; tandem vero Stenonis obitus Danis victoriam contulit. Hic enim inter primos ordines dimicans, suos efficacius exemplo, quam verbis hortabatur; cum vero ferore per tormenti globum avulso vulneratus, Stockolmiam deferretur, hoc anno Domini millesimo quingentesimo vigesimo die secunda Februarii in itinere mortuus est. Illius fato Suecorum exercitus, cum nonnisi pro Ducis sui gloria certaret, animo fractus, nil amplius tentabat, ac jamjam Stenone e castris portato, ferme omnes fuga dispergebantur, unde Daniæ Rex stationem in acie victor